

御選歷代詩餘

欽定四庫全書薈要

吉林出版集團有限責任公司
海 天 出 版 社

吉林出版集團有限責任公司
海 天 出 版 社

欽定四庫全書薈要

集 部
歌 詞 類

目次

書名	卷次	頁次	作者
御選歷代詩餘	卷六〇—卷九七		清・康熙四十六年聖祖仁皇帝御定
卷六〇		四九九—一	
一調 詞八十二首			
卷六一		四九九—一九	
五調 詞七十八首			
卷六二		四九九—三七	
二十六調 詞七十四首			
卷六三		四九九—五六	
十調 詞六十四首			
卷六四		四九九—七一	
三十二調 詞六十九首			
卷六五		四九九—八九	
三十三調 詞六十八首			
卷六六		四九九—一〇八	
三十七調 詞六十八首			

書

名

卷

次

頁

次

作

者

卷六七

一調 詞六十四首

卷六八

一調 詞六十七首

卷六九

一調 詞六十六首

卷七〇

五調 詞六十五首

卷七一

三十八調 詞六十四首

卷七二

六調 詞六十九首

卷七三

三十二調 詞六十四首

卷七四

一調 詞六十二首

卷七五

七調 詞六十四首

四九九—一二七

四九九—一四一

四九九—一五六

四九九—一七一

四九九—一八六

四九九—二〇五

四九九—二二一

四九九—二三九

四九九—二五三

書名	卷次	頁次	作者
卷七六 十四調 詞五十九首 卷七七 一調 詞六十二首 卷七八 十九調 詞五十八首 卷七九 七調 詞五十五首 卷八〇 七調 詞五十六首 卷八一 三十九調 詞六十首 卷八二 十三調 詞五十六首 卷八三 二十九調 詞六十三首 卷八四 二十九調 詞五十四首		四九九—二六八 四九九—二八三 四九九—二九七 四九九—三一二 四九九—三二六 四九九—三三九 四九九—三五八 四九九—三七二 四九九—三九一	

書名	卷次	頁次	作者
卷八五 二十二調 詞五十九首 卷八六 十九調 詞四十四首 卷八七 十八調 詞四十三首 卷八八 十八調 詞四十八首 卷八九 一調 詞四十七首 卷九〇 一調 詞四十五首 卷九一 十調 詞四十六首 卷九二 三調 詞四十四首 卷九三 四調 詞四十九首		四九九—四〇八 四九九—四二六 四九九—四四〇 四九九—四五三 四九九—四六七 四九九—四七九 四九九—四九〇 四九九—五〇四 四九九—五一六	

書名	卷次	頁次	作者
卷九四 一調 詞五十三首 卷九五 一調 詞五十七首 卷九六 四調 詞四十八首 卷九七 二十一調 詞四十五首		四九九—五二九 四九九—五四二 四九九—五五七 四九九—五七〇	

欽定四庫全書薈要

集部
御選歷代詩餘卷六十一

詳校官編修臣汪鏞

欽定四庫全書薈要

御選歷代詩餘卷六十目錄
九十五字

滿庭芳
一體又

宋徽宗

晏幾道

蘇軾
六首

黃庭堅
四首

秦觀
四首

晁補之
五首

陳師道

李之儀
二首

毛滂
二首

舒亶
三首

趙令時

米芾

葛勝仲

欽定四庫全書

御選歷代詩餘
卷六十目錄

周紫芝 三首

葛郊 四首

周邦彥 四首

晁端禮 四首

沈會宗 二首

陳瓘

向子諲 二首

蔡伸 三首

欽定四庫全書

御選歷代詩餘
卷六十目錄

王庭珪

葉夢得 二首

趙長卿

劉子翬

曾覲

辛棄疾 三首

黃公度

葛立方 六首

程垓

吳儆 二首

袁去華

張鎰

黃機

毛玘

汪莘 二首

吳潛

欽定四庫全書

御選歷代詩餘
卷六十目錄

方岳

御選歷代詩餘卷六十目錄

欽定四庫全書會要卷二萬七百三十八

集部

御選歷代詩餘卷六十九

五字

滿庭芳

上

又一體雙調九十五字一名滿庭霜一名鎖陽臺一名滿湘夜雨換頭二字間有用韻然無分體也

滿庭芳

宋徽宗

寰宇清夸元宵遊豫為開臨御端門暖風搖曳香氣霽
輕氛十萬勾陳燦爛鈞臺外羅綺繽紛歡聲裏燭龍銜
耀黼藻太平春靈鼇擊綵岫冰輪遠駕初上祥雲照
欽定四庫全書御選歷代詩餘卷六十九
萬宇嬉遊一視同仁更起維垣大第通宵燕調變良臣
從茲慶都俞賡載千載樂昌辰

前調

晏幾道

南苑吹花西樓題葉故園歡事重重凭闌秋思閒記舊
相逢幾處歌雲夢雨可憐流水各西東別來久淺情未
有錦字繫征鴻年光還少味閒殘檻菊落盡溪桐謾
留得尊前淡月西風此恨誰堪共說消愁時綠酒杯中
佳期在歸時待把香袖看啼紅

前調

自黃移汝留別

蘇軾

歸去來兮吾歸何處萬里家在岷峨百年行樂來日幾
曾多坐見黃州載閨兒童盡楚語吳歌山中友雞豚社
飲相勸老東坡云何當遠去人生底事來往如梭待
閒看秋風洛水清波好在堂前細柳應念我莫翦柔柯
仍傳語江南父老時與曬漁蓑

前調

蒙恩放歸陽羨作

蘇軾

歸去來兮清溪無底上有千仞嵯峨畫橋西畔天遠夕
陽多老去君恩未報空回首彈鋏悲歌船頭轉長風萬
里歸馬駐平坡無何何處是銀潢盡處天女停梭問
人間何事久戲風波顧問同來穉子應爛汝腰下長柯
青衫破羣仙笑我千縷挂煙蓑

前調

佳人

蘇軾

香輦雕盤寒生冰筋畫堂別是風光主人情重開宴出
紅妝膩玉圓搓素頸藕絲嫩新織仙裳雙歌罷虛檐轉
月餘韻尚悠颺人間何處有司空見慣應謂尋常坐

中有狂客惱亂愁腸報道金釵墜也十指露春筍纖長
親曾見全勝宋玉想像賦高唐

前調

蘇軾

蝸角虛名蠅頭微利算來著甚乾忙事皆前定誰弱又
誰強且趁閒身未老儘放我些子疎狂百年裏渾教是
醉三萬六千場思量能幾許憂愁風雨一半相妨又
何須抵死說短論長幸對清風皓月苔茵展雲幙高張
江南好千鍾美酒一曲滿庭芳

欽定四庫全書

御選歷代詩餘

卷六十

三

前調

為王長官賦

蘇軾

三十三年今誰存者算只君與長江凜然蒼檜霜幹苦
難雙聞道司州古縣雲溪上竹塢松牕江南岸不因送
子寧肯過吾邦 縱縱疎雨過風林舞破煙蓋雲幙願
持此邀君一飲空缸居士先生老矣真夢裏相對殘缸
歌舞斷行人未起船鼓已逢逢

前調

與劉仲達遊南山感舊

蘇軾

三十三年漂流江海萬里煙浪雲帆故人驚怪憔悴老

青衫我自疎狂異趣君何事奔走塵凡流年盡窮途坐
守船尾凍相銜 嶢嶢淮浦外層樓翠壁古寺空窈步
攜手林間笑挽纖纖莫上孤峰盡處紫望眼雲水相攬
家何在因君問我歸步遶松杉

前調

茶

黃庭堅

北苑龍團江南鷹爪萬里名動京闕碾輕羅細瓊蕊
生煙一種風流氣味如甘露不染塵凡纖纖捧冰甕瑩
玉金縷鷓鴣斑 相如方病酒銀瓶蟹眼波怒濤翻為
扶起尊前醉玉頽山飲罷風生兩腋醒魂到明月輪邊
歸來晚文君未寢相對小牕前

欽定四庫全書

御選歷代詩餘

卷六十

四

前調

雪中友人

黃庭堅

風力驅寒雲容呈瑞曉來到處花飛偏裝瓊樹春意到
南枝便是漁蓑舊畫綸竿重橫玉低垂今宵裏香閨還
館幽賞事偏宜 風流金馬客歌髮醉擁烏帽斜敲問
人間何處鵬運天池且共周郎按曲音微誤首已先迴
同心事丹山路穩長伴綵鸞歸

前調

黃庭堅

初綰雲鬟才勝羅綺便嫌柳巷花街占春才子容易託
行媒其奈風流債負煙花部不免差排劉郎恨桃花片
片流水惹塵埃 風流賢太守能籠翠羽宜醉金釵且
留取垂楊掩映廳堦直待朱幡去後從伊便窄鞦韆
知恩否朝雲暮雨還向夢中來

前調

黃庭堅

修水柔藍新條淡綠翠光交映虛亭錦鴛霜鷺荷徑拾

欽定四庫全書

御選歷代詩餘
卷六十

五

幽蘋香度闌干屈曲紅妝映薄綺疎櫺風清夜橫塘月
滿水淨見移星 堪聽微雨過嬾嫋藻荇瑣碎浮萍便
移轉交牀湘簾方屏練靄鱗雲旋滿聲不斷檐響風鈴
重開宴瑤池雪沁山露佛頭青

前調

秦觀

山抹微雲天黏衰草畫角聲斷譙門暫停征棹聊共引
離尊多少蓬萊舊事空回首煙靄紛紛斜陽外寒鴉數
點流水遶孤村 消魂當此際香囊暗解羅帶輕分謾

贏得青樓薄倖名存此去何時見也襟袖上空添啼痕
傷情處高城望斷燈火已黃昏

前調

秦觀

紅蓼花繁黃蘆葉亂夜深玉露初零霽天空闊雲淡楚
江清獨棹孤蓬小艇悠悠過煙渚沙汀金鈎細絲綸慢
捲牽動一潭星 時時橫短笛清風皓月相與忘形任
人笑生涯泛梗飄萍飲罷不妨醉臥塵勞事有耳誰聽
江風靜日高未起枕上酒微醒

欽定四庫全書

御選歷代詩餘
卷六十

六

前調

秦觀

碧水驚秋黃雲凝暮敗葉零亂空堦洞房人靜斜月照
徘徊又是重陽近也聽幾處砧杵聲催西牕下風搖翠
竹疑是故人來 傷懷增悵望新懽易失往事難猜問
籬邊黃菊知為誰開謾道愁須殢酒酒未醒愁已先回
憑闌久金波漸轉白露點蒼苔

前調

秦觀

晚色雲開春隨人意驟雨方過還晴高堂芳樹飛燕蹴

前調

答李良

晁補之

紅英舞困榆錢自落秋千外綠水橋平東風裏朱門映
柳低按小秦箏多情行樂處珠鈿翠蓋玉轡紅纓漸
酒空金盞花困蓬瀛豆蔻梢頭舊恨十年夢屈指堪驚
凭闌久疎簾淡日寂寞下蕪城

前調

晁補之

鷗起蘋中魚驚荷底畫船天上來時翠灣紅渚宛似武
陵迷更晚青山更好孤雲帶遠雨絲垂清歌裏金尊未
掩誰使動分攜竹林高晉阮阿咸蕭散猶媿風期便
棄官終隱釣叟苔磯縱是冥鴻雲外應念我垂翼低飛
新詞好他年認取天際片帆歸

前調

憶廬山

晁補之

欲買廬山山前三畝小橋橫過松間變名吳市誰認舊
容顏最好棲賢峽外應自此都隔塵寰人稀到壺中化
國光景更堪閒無心求至道柴門閉了飽睡甘餐幸
兒成孫長為婦家山若問他年歸去驀地也雙燕來還
愁難舍清風萬壑高處正躋攀

欽定四庫全書

御選歷代詩餘
卷六十

七

前調

答李良

晁補之

聞說秋來乘槎心嬾夢回三島波間便思黃帽同我老
山顏上界仙人官府何似我蕭散塵寰雲無止流泉自
急此意本來閒寂寥松桂圓陪君好語亦可忘餐況
瓊枝玉蕊秀滿春山若問幽棲何意莫道是飛鳥知還
無言處孫登半嶺高詠更難攀

前調

題自畫蓮社圖次東坡韻

晁補之

歸去來兮名山何處夢中廬阜嵯峨二林深處幽士往
來多看畫遠公蓮社教兒誦李白長歌如重到丹岩翠
戶瓊草秀金坡生綃雙幅上諸賢巾履文彩天梭社
中客禪心古井無波我似淵明逃社怡顏晒百尺庭柯
牛閒放奚童任嬾吾已廢鞭策

前調

晁補之

鄉物牽情家山回首浩然歸興難收報恩心事投老判
悠悠却笑當年牛下空自許激烈寒謳成何事夸猶桂
楫蘭芷詠芳洲人生萍梗迹誰非樂土何處吾州算

欽定四庫全書

御選歷代詩餘
卷六十

八

不須臨歧尚怙遲留要看看香爐瀑布丹楓亂江色疑秋
真堪與瀟湘暮雨圖上畫扁舟

前調 茶

陳師道

閨嶺先春琅函聯璧帝所分落人間綺牕纖手一縷破
雙團雲裏遊龍舞鳳香霧起飛月輪邊華堂靜松風竹
雪金鼎沸潺湲門闌車馬動扶黃藉白小袖高鬟漸
冒裏輪囷肺腑生寒喚起謫仙醉倒翻湖海傾瀉濤瀾
笙歌散風簾月幙禪榻鬢絲斑

欽定四庫全書

御選歷代詩餘
卷六十

九

前調

八月十
六夜

李之儀

一到江南三逢此夜舉頭羞見嬋娟黯然懷抱特地遣
誰寬分外清光潑眼迷滉漾無計拘攔天如洗星河盡
掩全勝異時看佳人還憶否年時此際相見方難漫
紅綾偷寄孤被添寒何事佳期再覩翻悵望重疊關山
歸來呵休教獨自腸斷對團圓

前調

碾龍團為
供者報之

李之儀

花陌千條珠簾十里夢中還是揚州月斜河漢曾記醉

歌樓誰賦紅綾小研因飛絮天與風流春常在仙源路
隔空自泛漁舟新秋初雨過龍團細碾雪乳浮甌問
殷勤何處特地相留應念長門賦罷消渴甚無物堪酬
情無盡金扉玉榜何日許重遊

前調

毛滂

爍石炎曦迷雲急雨院落槐午陰清藕花開徧綠細一
池萍槽下珍珠溜溜龍團破河朔餘醒闌干外梧桐葉
底金井輓轆轤聲盈盈開霧帳珊瑚連枕雲母圍屏對
肌膚冰雪自有涼生翠袖風回畫扇拂香篆虬尾斜橫
北牕晚娟娟靜色竹影上簾旌

前調

西園月
夜賞花

毛滂

馬絡青絲障開紅錦小晴初斷香塵芳醪持燭別有箇
佳人飛蓋西園午夜花梢冷雲月朧明應還惜留花伴
月占定可憐春佳人爭插帽已殘芳樹猶綴餘英任
紅辭香散蜨恨蜂嗔醉也和春戴去深院落初馥鑪熏
玉臺畔從教卸了留映晚妝新

欽定四庫全書

御選歷代詩餘
卷六十

十

前調 重陽後次元直 舒 亶

寒日穿簾澄江憑檻練光浮動餘霞蓼汀蘆渚黃葉襯
孤花天外征帆隱隱殘雲共流水無涯登臨處瓊枝澹
灩風帽醉欹斜 豐年時節好玉香田舍酒滿漁家算
浮世勞生事事輸他便恁從今酩酊休更問白雪籠紗
還須仗神仙妙手傳向畫圖誇

前調 後一日再次馮通直 舒 亶

紅葉飄零寒煙疎淡樓臺半在雲間望中風景圖畫也
應難又是重陽過了東籬下黃菊闌珊陶潛去風流載
酒秋意與人閒 霞冠敬倒處瑤臺唱罷如夢中還但
醉裏贏得滿眼青山華髮看看滿也留不住當日朱顏
平生事從頭話了獨自却凭闌

前調 送道宗 舒 亶

閭闔天門芙蓉春殿幾年目斷雞翹短蓬秋鬢端幸倚
瓊瑤南園花邊小院西湖畔雲底雙橋歸時節紅香露
冷月影上芭蕉 明朝那可望旗亭煙草柳渡寒潮但

萬戶千門恨客歌樵戲綠光浮袞繡聽鳴珂響逼雲霄
應回首綺裘醉客還自獨吹簫

前調 趙令時

玉枕生涼金缸傳曉敗葉飛破清秋雨餘翻浪渺渺阻
行舟暫繫汀洲側畔風夜起荻葉添愁銀屏遠龍香漸
盡還似夢揚州 更籌何太永當年情事今日堪酬最
苦恨紅樓笑我飄浮為寄相思細字教字字愁慶眉頭
淒涼久漁人唱曉隨月過橫溝

前調 甘露寺試賜茶 米 芾

雅燕飛觴清談揮麈使君高會羣賢密雲雙鳳初破縷
金團牕外鑪煙自動開餅試二品香泉輕濤起香生玉
塵雪濺紫甌圓 嬌鬟宜美盼雙擎翠袖穩步紅蓮座
中客翻愁酒醒歌闌點上紗籠畫燭花驄弄月影當軒
頻相顧餘歡未盡欲去且留連

前調 懷任昉 葛勝仲

百不為多一不為少阿誰昔仕吾邦共推任筆鴻鼎力

能扛不為桃花祿米讐書倦一葦橫江招尋處徒行曳
杖曾不擁麾幢 山川真大好魚磯無恙密嶺難雙聽
訟訴多就樵塢僧牕歲月音容遠矣風流在遐想心降
雲煙路搜奇弔古時為酌空缸

前調

周紫芝

樓上寒深江邊雪滿楚臺煙靄空濛一天飛絮零亂點
孤蓬似我華顛雪鬢渾無定漂泊孤蹤空淒黯江天又
晚風袖倚蒙茸 吾廬猶記得波橫素練玉做寒峰更
短坡煙竹聲碎瓊瓏擬問山陰舊路家何在水遠山重
漁蓑冷扁舟夢斷燈暗小牕中

前調

周紫芝

曉色凝暎霜痕猶淺九天春意將回隔年花信先到
江梅沉水煙濃如霧金波滿紅袖雙垂仙翁醉問春何
在春在玉東西 瑤臺人不老還從東壁來步天墀且
細看八瓠花影遲遲會見朱顏綠鬢家長近咫尺天威
君知否天教雨露常滿歲寒枝

欽定四庫全書

御選歷代詩餘

卷六十

十三

前調 九日

周紫芝

江遶淮城雲昏楚觀一枝煙笛誰橫曉風吹帽霜日照
人明暗惱潘郎舊恨應追念菊老殘英秋空晚茱萸細
撚醺醺為誰傾 人間真夢境新愁未了綠鬢星星問
明年此會誰寄幽情倚盡一樓殘照何妨更月到簾旌
憑闌久歌君妙曲誰是米嘉榮

前調 宴黃仲秉

葛 郊

紅葉飛時青山缺處鴈飛秋影斜陽鳳凰旌節何事到
吾鄉要見大江東去寒光靜水與天長人爭看恩袍煥
錦新惹御鑪香 滿城誇盛事兩邦鼓吹幾部笙簧看
萬紅千翠簇擁雲裳況是重陽近也萸露紫菊吐輕黃
休辭醉明朝一枕歌韻尚悠揚

前調 述懷 三首

葛 郊

歸去來兮苔波深處上有蒼翠千峰月橋煙墅家在五
湖東試覓桃花流水雞犬靜人迹纔通沙汀晚一天雲
錦飛下水晶宮 兩年官事少江梅霧暗多稼雲豐把

欽定四庫全書

御選歷代詩餘

卷六十

十四

毗壇清夢盡入詩筒只欠蘆花夜宿金溪上一葦秋風
蓑衣在不辭重整來作釣魚翁

前調

葛郊

歸去來兮家林不遠夢魂飛繞煙峰洞房花木只在小
池東誰道雲深無路小橋外一徑相通功名小從教羣
蟻麀戰大槐宮故人書夜到秣田百畝已兆年豐把
烏程爛醉不數卽筒醉後村歌社舞團圍坐一笑春風
洪崖伴定驅鸞鶴時一訪仙翁

欽定四庫全書

御選歷代詩餘
卷六十

十五

前調

葛郊

歸去來兮心空無物亂山不關看峰夜禪久坐牕曉日
生東已絕乘槎妄想滄溪迴不與河通維摩室從教花
雨飛舞下天宮何人開宴豆楚羹尊嫩吳鱸盤豐看
一聲欸乃落日收筒應笑紅塵陌上津亭暮十里斜風
從今去青鞵黃帽分付紫髯翁

前調

溧水無
想山作

周邦彥

風老鶯雛雨肥梅子午陰佳樹清圓地卑山近衣潤費

鑪煙人靜烏鳶自樂小橋外新綠濺濺凭闌久黃蘆苦
竹疑泛九江船年年如社燕飄流瀚海來寄修椽且
莫思身外長近尊前顚顚江南倦客不堪聽急管繁絃
歌筵畔先安簟枕容我醉時眠

前調

懷錢塘

周邦彥

山掩籠春江城吹雨暮天煙淡雲昏酒旗漁市冷落杏
花村蘇小當年秀骨縈蔓草空想羅裙潮聲起高樓噴
笛五兩了無聞淒涼懷故國朝鐘暮鼓十載紅塵但
夢魂迢遞長到吳門聞道花開陌上歌舊曲愁煞王孫
何時見名娃喚酒同倒甕頭春

欽定四庫全書

御選歷代詩餘
卷六十

十六

前調

周邦彥

花撲鞭梢風吹衫袖馬蹄初趁輕裝都城漸遠芳樹隱
斜陽未慣羈遊況味征鞍上滿目淒涼今宵裏三更皓
月愁斷九迴腸佳人何處去別時無計同引離觴但
惟有相思兩處難忘去即十分去也如何向千種思量
凝眸處黃昏畫角天遠路岐長